

## ■ OBERSAXEN MUNDAUN

## Concediu plirs credits

(anr/fal) La vischnauna dad Obersaxen Mundaun ha concediu unanimamein ina contribuziun annuala da 250 000 francs alla casa da tgira Steinhäuser Zentrum, quei han ils votants decidiu alla radunanza communal da venderdis sera. Cun ina contribuziun annuala pils onns 2016–2020 vul la vischnauna sustener il Steinhäuser Zentrum che dispoza actualmeins da 13 plazzas da tgira. Sco mintga casa da tgira pintga el Grischun vegni era quella a Cuort buca da cuvierer tut ils cuosts cullas tariffas precrettas dil cantun, communichescha la vischnauna.

Unanimamein han ils votants era detg al preventiv 2016 che siara cun in surpli d'entradas da 3 125 750 milliuns francs.

Plinavon ha la vischnauna dad Obersaxen Mundaun era concediu dus credits da sanar vias. Il credit da 680 000 francs va en favur dalla sanaziun dalla via communal Schnaggabial e 655 000 francs vegnan investai ella Via Pastira Surcuolm.

Per remplazzar ils conducts d'ovra dalla via cantunala einteifer il vitg da Surcuolm ha la radunanza communal lubiu in credit da 405 000 francs.

## Lotar Tomaschett expone en la Cuort Ligia Grischa

■ **La Cuort Ligia Grischa a Trun organisescha era uonn quater exposiziuns d'art. Lentschatta dat Lotar Tomaschett cun ina schelta da fotografias ch'el presenta sut il tetel «Cinema dalle Alps».** Lotar Tomaschett ei naschiu 1967 a Trun/Campliun nua ch'el viva aunc oz. Entschiet a fotografar ha el cun circa 16 onns, igl emprend cun film, sco ei era usitau da gliez temps. Naven da 2005 ha el midau vi sin fotografias digitalas e naven da 2014 fotografescha el puppei da maniera analogica e sviluppescha sez ils films. Tomaschett ei da clamada scrinari. Dapi onns eis el pedel dallas scolanzas da Trun, ina incumbensa ch'el absolva cun grond engaschi e bia capientscha. El vegn lu era stimaus ed apprezzaus zun fetg. En quella clamada sa el duvrar sias habilitads da formar, zambergiar ed organisar. Tomaschett ei era catschadur e cheutras ha el la caschun da semover en

la natira e guder las bellezias da nossas cuntradas muntagnardas. Quei ei ina buna premissa per el sco fotograf. Ses motifs preferi anfla el principalmeins en la natira, seigi cuntradas en las muntognas ni animals selvadis. Ils davos onns eis el sefatschentaus pli e pli cun portrets e reportaschas. Per saver realisar bunas fotografias ha ei num eleger bunas cadraschas ed haver la pazienza da spitgar tochen che la glisch ei adattada per fotografar. E quei dun ha Tomaschett. Sias numerusas fotografias fascineschan e cattan adina dapli admiraturs. Ussa sepresenta el per l'emprema gada ad in publicum pli vast. Las fotografias ch'el muossa en sia exposiziun en la Cuort Ligia Grischa a Trun ha el sviluppu ed era enramau sez.

Giusep Decurtins

L'exposiziun cuoza naven dils 16 d'avrel tochen ils 28 da matg 2016. La vernissascha ei sonda, ils 16-04-16 allas 17.00.



In'ovra da Lotar Tomaschett che vegn exponida en la Cuort Ligia Grischa a Trun.

MAD

## Val duai gidar pendicularas cun 800 000 francs

■ (rtr) Per survivor dovran las Pendicularas da Val 800 000 francs. Quai resulta da la glista da tractandas da la radunanza communal dals 22 d'avrigl. Il plan per salvar las Pendicularas da Val munta ch'il suveran da Val sto decider davart in credit correspondent. Il presi-

dent da la vischnanca Stefan Schmid ha punctuà ch'il cussegl communal saja unanimamein per in gea a quest credit dad 800 000 francs perquai che las pendicularas sajan da grond'importanza per Val. Tar in na al credit smanatscha il concurs.

## Cler che la GiuRu viva anc!

■ (rtr) La Giuventetgna Rumantscha festivescha quest onn ses giubileum da 25 onns. Ella ha salvà sia radunanza generala sonda en Val Müstair. La radunanza ha reelegì il president Volf Candrian ed ils suprastants Alina Müller, Flavia Hobi e Maurus Bundi. Leander Albin è vegni elegi sco nov commember en suprastanza. Sortidas da la suprastanza èn Natalia Salzgeber e Melanie Häfner. En pli ha decidi la radunanza d'introducir ina contribuziun da partenza per daventar commember da la GiuRu. In nov commem-

ber sto en l'avegnir pajar ina contribuziun unica da 20 francs. Uschia spera la suprastanza da pudair personalisar dapli il contact cun commembers. Quai che manca èn numnadain persunas che fissan prontas da s'engaschar concretamein en l'uniun da giuventetgna per tut la Rumantschia, uschia il president da la GiuRu Volf Candrian envers RTR. Per il giubileum da 25 onns organisescha la suprastanza ina festa durant l'Open Air Chapella ils 6 d'avust. I duai dar dapli bands rumantschas a Chapella quest onn.



Ils quater musicists da No Future han concertau avon rondun 500 persunas.

MAD

## «Chapters of Life» plai fetg bein

Success pil batten dil niev disc cumpact da No Future

■ (anr/fal) L'aula dalla casa da scola a Glion ei stada fullanada cun rondun 500 fans ch'ei seradunai per tedlar il niev disc cumpact dalla band No Future. «Chapters of Life» ei il num dil quart dc ch'els musicists da Glion han presentau sonda vargada a lur publicum. Mo avon ch'els presents han survegniu in scharg da quel han els aunc giu la cuida da tedlar duas prebands. Sco emprend ha la band Swing Riots da Turitg concertau. Cun lur musica da rock denter ils stils garage, punk e psidelic han ils musicists scaldau

en ils auditoris. Sco proxim ha la band Head Smashed da Cuera dau en il tact. Cun las canzuns da pop-punk han ils treis commembers Roman Wilhelm (cant e ghitarra), Moritz Vieli (bass) e Patrick Däscher (percussiu) procurau vinavon per bun'atmosfera avon ch'els stars dalla sera ein semess sin tribuna. La band No Future cul cantadur e ghitarist Samy Schmid, il bassist Andri Arpagaus, il percussiuist Armin Candrian e Fabian Sgier culla posuona ed il keyboard han lu schau stremblir l'aula da scola. Las canzuns da «Chap-

ters of Life» ein buca pli aschi diras, la musica ei daventada pli ruasseivla e va en direcziun da reggae/pop. Mo quei ha buca disturbau ils fans. Senza dubi ha il niev disc cumpact «Chapters of Life» plaschiu, quei ha era Samy Schmid confirmau: «Nus havein survegniu fetg biars resuns positivs. La sera ei stada grondusa e pli che gartegiada.» Culla presentaziun dil dc ei la sera denton buca stada a fin. Entochen las 03.00 las damaun han il giuvens fatg fiasta cun saltar tiels mixs da musica dil DJ John Doe.

reclama

# Neu im Sortiment.

**CUMULUS PUNKTE 20X**

**Frischback-variante**

**3.50**

**Bio Sonnenkranz Frischback, geküht**  
360 g, gültig bis 18.4.2016

**1.75**

**Bio, aha! Reisdrink**  
500 ml

**-.85**

**Bio Joghurt Johannisbeere\***  
150 g

\*Erhältlich in grösseren Migros-Filialen.

## MIGROS

Ein M biologischer.